


Alkitab Buat Bocah  
Nampilin

Yesaya Ngeliat Masa Depan



Nyeng nulis: Edward Hughes

Nyeng bikin gambar: Jonathan Hay  
Alastair Paterson

Nyeng nyocokin: Mary-Anne S.

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)


©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.



Yesaya itu nabi. Kerjaannya nyampein kepada orang-orang, soal apa nyeng Tuhan ucapin. Orang-orang kadang-kadang kaga pengen ngedengerin apa nyeng Tuhan

...



Uzia



Yotam




Ahas



Hizkia



... sampein, tapi Yesaya kaga pernah bikin kecewa Tuhan. Yesaya ngajarin Firman Tuhan wayahnya pemerintahan empat orang raja nyeng beda-beda.



Uzia



Yotam



Ahas



Hizkia



Raja Uzia merentah Yehuda dari kota Yerusalem. Awalnya, Tuhan ngeberkatin Uzia karena dia mau ngelakuin apa nyeng bener di depan Tuhan. Tapi sesudahnya Uzia jadi sombong dan brenti nurutin perintah Tuhan. Dia kena penyakit lepra dan kudu idup dewekan sampe mati.



Raja Uzia berkuasa sampe lebih dari 60 taun. Pas dia mati, Yotam anaknya ngegantiin dia jadi raja dan merentah sampe tujuh belas taun. Tuhan ngasih berkat Yotam karena dia mao ngedengerin apa nyeng Tuhan sampein liwat Yesaya ama nabi-nabi nyeng laen.



Raja Yotam punya anak laki namanya Ahas. Ahas umurnya dua puluh taun pas dia baru mulain jadi raja, dan dia merentah sampe enem belas taun di Yerusalem. Ahas kaga peduli ama Tuhan.



Dia nyembah berhala ama dewa-dewa palsu, dan mimpin jamaah Tuhan buat ngerjain hal nyeng sama. Meski begitu Yesaya udah ngingetin dia, Ahas kaga ngegubris peringatan-peringatan Tuhan. Dia mati pas umurnya baru tiga puluh lima taun.





Tuhan ngeberkatin raja nyeng selanjutnya, Hizkia, sebab dia ngebuang semua berhala ama dewa-dewa palsu, dan sembahyang kepada Tuhan nyeng sebenarnya. Pas pasukan lawan nyerang Yehuda, Hizkia tau kalo pasukannya loyo banget buat bisa menang. Dia minta Yesaya sembahyang minta bantuan Tuhan.



Yesaya ngirim pesen ini kepada raja. "Ini nyeng Tuhan sampein: Kaga usah takut sama lawan-lawan ini ...Saya bakalan ngalahin mereka..." Mendadak abis itu, Tuhan bikin pasukan lawan pada balik pulang malahan kaga perang ngelawan Hizkia.




Meski orang-orang di sekiterannya kaga peduli ama Tuhan, tapi Yesaya peduli banget



mikiran Tuhan. Satu ari, dia dapet penglihatan, ini kaya ngimpi, tapi lagi kaga tidur. Dalem penglihatannya, Yesaya ngeliat begitu dasyat ama sucinya Tuhan.



"Sapa nyeng bakal Saya kirim?" Tuhan nanya dalem penglihatan itu. "Ini aku. Kirim aja aku", saut Yesaya. Dia mao ngerjain apa aja nyeng Tuhan pengen, dan pegih kemana aja Tuhan ngirim dia.




Pikiran Yesaya bisa aja Tuhan bakalan ngirim dia ke orang-orang nyeng ada di tempat-tempat nyeng paling jauh dan orang-orang nyeng kaga pernah kenal Tuhan.



Nyatanya kaga, Tuhan kaga ngelakuin kaya gitu. Tuhan bilang sama Yesaya supaya ngomong sama kelompoknya dewek di negrinya. Dia kudu ngingetin mereka kalo Tuhan marah ama dosa-dosa mereka.



Beberapa hal lainnya yang kudu disampein Yesus sama kelompoknya, berkaitan ama hal-hal yang bikin kagum tentang seorang pembebas yang kuat dan bakal datang buat nyelametin mereka dari dosa-dosa dan dari semua lawan mereka.




Orang Yahudi bilangnya Orang ini "Mesias".  
Sebenarnya mereka ngarepin Tuhan ngirim Mesias,  
tapi kebanyakan dari mereka nyeng idup, Dia kaga  
bakalan dateng.






Semua nyeng  
Yesaya omongin  
soal Mesias  
ditulis dalem  
bukunya.  
Padahal dia  
nulis itu semua  
ratusan taun  
sebelon semua  
itu bener-bener  
kejadian, semua  
nyeng Yesaya  
omongin tentang  
Mesias udah  
dipenuhin.



Yesaya bilang kalo Tuhan nyeng bakalan ngasih satu tanda. Dia bilang, "Liat anak gadis bakalan

ngebranakin anak laki-laki dan ngasih nama dia Immanuel." Orang-orang pada tau kalo Yesaya ngomong soal Mesias dari Tuhan sebab seorang perempuan kaga bisa jadi seorang anak

gadis nyeng punya anak. Lagian, nama Immanuel artinya Tuhan ada sama kita.





"Buat kita Seorang anak  
dibranakin, buat kita Seorang  
anak dikasih; dan pemerentahan  
bakalan ada di pundakNya.  
Terus namaNya bakal disebut  
Penasehat ajaib, Tuhan nyeng  
gagah, Bapa nyeng kekal, Raja  
damei." Yesaya haikul yakin kalo  
janji Tuhan bakalan dipenuhin,  
dia ngomong seolah-olah itu  
semua udah terjadi. Soal nyeng  
kaya gini bilangnya ramalan.



Yesaya bilang kalo Mesias bakalan jadi hebat dan bisa ngelakuin hal-hal nyeng hebat. Tuhan juga nyuruh Yesaya supaya nyampein ke orang-orang kalo Mesias bakalan sengsara dan bakal ngadepin kematian. Yesaya rada ngerasa heran pegimana bisa Mesias bisa jadi hebat banget dan kuat dan juga loyo dan bisa juga luka. Tapi Yesaya kaga ngebahas itu sama Tuhan, dia cuman ngulangin apa nyeng Tuhan suruh buat disampein. Tuhan nyeng bakalan mastiin rencana-Nya dipenuhin.



Mesias datang, bukan cuman buat orang Yahudi. Tuhan bilang kepada Yesaya kalo Mesias bakalan jadi "terang buat semua bangsa asing." Semua bangsa asing yaitu semua orang bukan Yahudi di dunia. Tuhan kesian ama semua orang, dan Mesias bakal datang buat ngeberkatin tiap-tiap orang dan ngebawa keselamatan sampe akhir jaman.



# Yesaya Ngeliat Masa Depan

Sebuah cerita dari perkataannya Tuhan, Alkitab

Ditemuin di

Yesaya 1, 6, 7, 9, 53

"Palang pintu Firman Engkau ngasih terang."  
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

